

徂徠集稿

57X  
20  
25

三十  
終



[illegible]





答阜上人

雲戕飛墜潔指披誦茲審貴體安穩于茲濟暑之  
候安在清涼坐享極樂之福誠可歆羨也祇以貴幹  
不蒙見臨不佞亦有賤冗且寬日期還屬湊巧少足  
相慰耳佳詩二章以有進步處為可喜也還字入  
先韻者誠如所喻祇如旌旆榮旋等皆是返旋之  
義不若改作旋字却可耳納涼甚可人三字覺佳它  
非面晤難得委悉也佳酒美蔬謹承寵錫嗣當躬  
謝

又



趁

爾後杳然動靜深所渴望忽捧手札恍若天降袈  
裟亡恙深可欣慰且審十八日韓客入都而上人往觀  
廼為官家伍佰輩所擁碍及夜得還加以徒步泥濘  
中困憊委頓遂致翌日小集欠於見臨不佞則不然預  
已聞其路禁大嚴觀者必星出月歸竊自思惟病軀  
何能任此勞苦因茲斷念不復往觀至於翌日有鄰  
來至談及茲事與共暗笑上人及芝諸君狼狽者  
狀而自誇得計也今則果然若二十二日寬會期有  
鄰則竟不道及想渠一時貪趨話興因遂忘之耳明  
日當趨藩外郎取便奉訪所喻敬聽命華帝故佳但

僕既已買辦二百張許藏在篋中更多無益敬謝煩  
尊慮念及此瑣事它在面晤

又

寡老君遽然捐館邦中府中若喪考妣若不佞者職  
備顧問從容趨陪蓋亦尚矣况在疾革乃增廩祿  
彌留之際軫念所及事侔遺命謝恩未竟五內忽裂  
茲承臧教弔慰轉倍哀慟佳蔬數品併荷慈貺感  
謝曷盡吉生喪事知是何人伏乞致意蒙許不日並  
臨寂寞之際深所翹望也冀借清譚少紓哀腸日前  
它適欠懇敬茲奉謝時下冷甚萬以道候清勝草



不次

又

茲接雲緘兼惠霜菓禪那餘念忽及朽拙一至此歟  
春寒梵候起居輕利深堪倚賴賤恙良已亦只掩關  
自嗇耳明日之役頗足支吾未審諸君子能集否蓮  
趾能臨掃徑奉迎此復

又

承款之後未輒展謝二七之期杳然不臨正尔鬱陶芳  
緘如面深慰渴懷愁霖悶人紙上人眠食輕利頗能  
應世茲即堪慰且承明日之事尊意以泥濘故欲寬

在它日也不佞前日承喻之後人僕之使及至昨日  
方纔差書罔生報知而罔生它適無答切慮明日  
設霽罔生未必涉濘奔約則如之何茲得尊喻深以  
帖然果如所命則明日之會當依舊在舍弟處耳若屬  
晴快請賜降臨佳詩漫奉藥石不乙

又

昨日之游誠足稱樂哉雖然祇藉和尚為東道則一  
行之人立槁于蘇迷上何以能歸乎香積之惠未鳴謝  
侍者迺先書道及愧汗莫甚焉玉詩佳勝誦之身尚  
徜徉香山之巔也石生罔生咸稱師德不已來則致高



意僕疲甚猶尔偃臥牀上裁字歪斜伏乞海恕

又復慧岩上人

賜書二賜价一其他適不即奉答深此  
負罪人參一件枉紆尊念感荷<sub>何</sub>盡囑家  
兒患痘者實係席上二生之弟其父與  
疾溫泉而不在家以不佞鄰近故其母  
及祖母深所相托是以奉懇耳渠已自  
辦伏乞莫勞禪慮又知學仙決意宗門  
誠爲欣然予未諳釈氏道則不知禪之  
與淨土果何似也但以之子有讀書智  
太是希有乃爲貧窮累碍今視和尚猶



父而和尚視猶子甚盛事也仙乎得其  
所哉大抵少年子多客氣浮思和尚爲  
其深慮宜矣意渠亦當體此慈心永矢  
弗渝焉嗚呼前日拙誕席上可謂濟濟  
但皆近年相識若論耐久莫若和尚與  
吉生耳當年紫芝社中亦甚鬧熱俯仰  
二十年零落殆盡唯和尚歸然靈光可  
不相共慶抃乎來月當隨例上香龍華  
順使奉候萬惟面罄不一

又

杳絕問聞者半月餘矣風火惶遽間轉奉想玄型

不容己已遙知祇林寂靜地必無此人間苦矣接東

廼謂俗子貪甘露味者托為祥年錄續乎堂皇間

至今不絕也嗟蟻羶猶尔所未免哉念亡之期謹領

命昨兩乘時人心以降火其不起邪林花其綻邪黃

鳥其嚶邪庶乎吾曹咏歸日哉預此念之日如年也

古詩所頻承見懇敢不奉命東壁一出不歸者五日

不知今曳裾何王門歸則謹致餘寒尚冽伏惟安寧

又



正奉憶間。朶雲飄至。破緘茲審座下。道候輕利。方此  
溽暑。深足慶快。古人有云。九夏三伏。人之大厄。豈不畏  
乎。吉生室人。幼弟。染病未起。渠已乏婢妾。獨以一身周  
旋其間。真是苦哉。誠可憫也。大潮書蒙轉致荷。  
緘中有詩。誦之今靈一也。十二日屈指以俟。一日三秋。  
宛是九秋矣。且審書意。似不可必轉增耿。不乙

又

辱書承送致鄙印謝。前者賜臨草堂。得奉聲咳。  
加之筆雨天花。鉢携香積。深足荒徑生色。尚何見謝之  
有。轉增懽懽耳。承十九日未克懸定來否。是自曉上

人白雲心期。要其出岫與棲洞。亦何妨也。若夫曳項之  
望。終不得憩然已。

又

夜雪未已。正擁爐作柳絮看。間忽接華翰。種。厚貺  
紛如挾纈。感荷何盡。岳尼豚兒。均與露惠。謝。聞欲  
明日大張金石。以發瓊瑤之響。洵是奇會。豈不茲趨。祇  
恐道惡。為之如何。萬容面謝。

又

昨叩祇林。享清淨味。未克展謝。乃承華緘。併惠美  
饒。與漿。辱寓慶祝。種。盛意。何以能報。不佞適歸自



朝藩邸俗羈若斯如其山陰逸興聞之增報顏耳  
困極草、布字

凡

承惠佳品謝何能罄僧房逢著疑冬花

又

頃聞上人躬董起造之役不能持斗酒奉勞迺承端价  
見訪賜以香蔬一盤愧歎何已敬此奉復

與覺玄上人書

微雨辭候輒復溽暑駸然來逼人久違慈丰未  
審衣鉢上受用如何僕近來德甚莫怪精廬前莓苔  
無恙哉陳者池永老人章璽之技日游刃落碌間不

膏綽、然有餘地而其蚪蚪龍鳳嘉禾瑞芝鼎篆鼓  
籀金剪玉筋種、妙境森然悉備辟則佛以大神通  
力於一微塵中現極樂國報身如來三十二相八十  
種好端嚴殊勝莫不具足豈不作希有想乎學士大  
夫獲者誇人綬巾十襲何啻拱壁是其增輝奎斗藉  
美翰墨厥功亦為偉矣僕久聆芳譽百般營求卒未  
有獲嚮因和尚話間頗及平生乃知方外之契久要  
有在遂不自揭煩以方便和尚一時慨然冒任大展  
鼎力不空所願然後僕之喜可知矣祇以雨後杳無  
消息頗懷猜疑因茲脩字特此奉探伏惟和尚待老



人如維摩。老人事和尚如、來則豈容維摩而能違  
如來法旨哉。且如僕久為萬卷堆中一蠹虫。詎能出  
於一切衆生之外也。則又知法慈所撰。必得圓滿已  
不罄。

後  
集

與聖德人

雨

昨師還時。已黃昏矣。且雨甚。想道上泥  
深沒膝也。雖面足乎。能得無困哉。一時  
不戒。輻奉送。為憾已。顧夫一話十二時。  
頗傾吐中懷。十五年來一快事也。空門  
中守教相者。比諸吾<sub>儒</sub>經生。介介乎語句  
間。是殆為黃面老子簸弄。錯過一生。滔  
滔者天下皆是。師獨超乘而上之。可謂  
優曇矣。所賜笙。實係親製。古雅之至。真  
神仙之玩也。靈慧善巧。一至于此。歟。吾



知師之非人間人哉。是物是愛，將與俱終一生。感何可言。但簣脫處，煩尊手脩飾，謹附使致左右。廿三日，或屬師閒暇時，邪正擬趨教也。請命之，倘或兩邪則不能也。萬千炤鑒。

機

縣志卷之五 藝文志 五言古詩 復英上人

金策玲、白雲無踪。靡常其攸，寔開士之行也。自不聞上人之馨咳，而竊嗟聖幻之軌，不與世同趨。焉亦何憾之心，獨弗諼已。忽接玉簡，副以二品，伏審書意，足跡殆遍于天下矣。仙醴仙草，想當獲諸異人之贈也。乃推其餘，分霑野人，希有之福也。謝何能盡時。續雨忽霽，白露將下，涼日爽颺，願族百衲之翩然也。異或高恙，故不既。







赤縣相者是幾年不論東海作桑田應知謫仙依  
舊謫如今靈一却解禪

又潮尊者

方此風雪正爾奉憶詎知儼然忽在只  
尺地矣師果以魯察行哉又不知剡溪  
興能乘之者師邪抑將吾也哉鄉者示  
及文篇篇直與瓊瑤爭輝滕六其愧歟  
祗不佞受讀未能卒業故不敢壁耳石  
君善致意不備



讀書



又與潮上人書

師果行邪，不佞茂鄉以疾故，不能就西臺之館，以盡殷勤之情矣。遂使嚮者草堂之會，一日千秋也。天乎！師業已能挾造化之秘哉！以此而涉岐嶺，不毛

之地，無人之境，魍魎所竄伏，虺蛇所封豕血牙，卒爾所值，豈無所謂神矣者乎？鬼妒而命之憎，千里霜露，師其慎之哉！杜德杭哉！疇昔之夜，倏尔奉憶，潜然之悲，不能已已。里歌一闋，聊洩憤懣，附上菲儀，為贐。另具與江若水書奉托，過洛致之。渠居在洛西飛鳥街，倘或不可識邪？渠好書，嚮書者頗能識之。嗚呼！師乎！行乎哉！情何窮已。



機

又復潮上人

岐嶒之行不佞故慮焉手爾師行之日以至今日未  
嘗不與石君與鼎道之也今奉尺一讀之師果病邪  
然終以龍天之共捍衛而師卒興乎西冥之西愈益  
遠矣哉吾所瞻望其亦與落日懸也方秋之時有風  
蓬蓬然遠自千里之外至焉者豈非師之所乎詎能  
不思哉耀靈徂而月魄之始升也師雖西冥之西乎  
能不翹首望而我思之哉雖然亦渺渺乎太遠已所  
賴者教行之字孤行各天之涯是而已矣古人曰千  
里比肩何其無情之至於此極也嗚呼師固無情矣

然以其無情而止所繫鄉土或能飄然乎東來亦不  
可知哉則不足憾焉耳豫侯于河內若水于洛庶乎  
足以為致書郵耶卓上人東壁諸子及不佞皆止恙  
亦皆憑不佞致意想師今尚在中路邪風波之險善  
自愛餘不備



機

又與太潮上人書

石叔潭致上人書。茲知上人謁師海西。再停錫洛水。上中洞鉢盂不疾布帆。無恙龍天。能慰吾曹之心哉。上人果能不披紅邪。江若水報上人方淹講肆。曇華貝葉。亦開異葩。欣意者游戲殆乎不可測。已客歲復上人自洛書。不知達否。今秋觀瀾死。上人筆鋒果毒似棒喝哉。不佞劣。亦病肺殆死。上人妻以相如見比。何其言之驗也。然吾與文君。此其所以不死邪。每面豫侯。口上人弗置。君瑞字大進。長博。止宅草。



找

○復獨麟禪師

護洲一別，  
若河山，  
每因風塵，  
則輒北望，  
悵秋禪師。



跌坐諦觀乎仙臺之勝山色復聲何等潇洒乃不勝  
天際真人想也良久惙然自失此自不佞痴想耳若  
禪師十二樓上境界豈又能憶東都紅埃中物邪殊  
不知作如是觀亦終不佞蠢想自絕乎禪師矣夏月  
保壽老師西游一宿草堂袖出禪師書拆封讀之始  
知禪師口不佞者狀又知禪師因不佞愛山人者狀  
更知禪師因山人愈益憶不佞者狀於是痴想蠢想  
百千念出天際之望何啻不勝之謂哉夫知山人者  
莫不佞若而知不佞者山人或爾來書曰禪師在勿  
慮山人為嗔乎山人在伏乞禪師視猶不佞則幸甚

又復書海上人

足下鄉在西山時不佞既作雪山童子看忽復在崎  
陽從本禪師遊豈乃善財童子邪吾咲臨濟宗風益  
衰動輒吐喝詩語皆尔佛心著相久矣承寄蕭鳴集  
則知此老非尋常也求不佞一語儒者豈能增佛子  
光乎足下釋氏文學論覺稍退格得無學教師語  
邪雖然進退自在或躍在淵足下波瀾益大哉承  
飛雲之賜多謝不佞以四月一日召見殿中豈識  
邪然不佞不欲青雲生脚下不久將竣君於白雲  
鄉已時暑酷自愛



復玄海上人

足下在崎不堪寥々之嘆矣其游洛亦当尔乃俯首  
從一上人者学也是乃足下哉彼上人者谓不佞護  
法者邪亦彼上人者意尔若不佞法且不知况何護  
手承惠香爐筆墨紙皆中華物何以見愛之至此邪  
劉生印清人哉乃欲得不佞一語是易之耳未審其  
人何号伏乞教之庶以便称呼耳不佞災後屢勉過  
夏七月始得還舊居矮屋不堪秋暑憊甚近日新涼  
少蘇已不知足下何如惟自愛不備頓首

硯意是日少<sup>差</sup>謹写上唯師亮之富山人以夏時飄  
然見過因得悉師行履聞師亦有西歸志信不時下  
寒甚伏惟起居輕利不備



接

○

復崎陽惠通禪師惠圓視

嵩山房梓

昔者盧生齋上人書至值予宅適不復至莫能識其  
處所黃梁夢忽忽十年亦惟崎陽三千里之外遼遠  
哉是以獲罪上人矣明月止恙耿々坐右則亦耿々  
夢寐焉耳不知崎陽志就緒不八咏之篇不佞竟不  
能作也今海師往故往其答一來一往段使三千年  
上人應作一剎那觀豈怪之哉不備

剎鼻



機

又復獨麟師

病

客歲惠手札兼致盤山君畫一幅讀之恍若從  
師金華山下游也書辭琅々大爽人神思大氏世稱  
善知識者甚者佺言段使其道甚高要之非世尊靈  
山時語矣超衆而上唯師爲尔可不敬服乎盤山君  
亦富貴中希有哉獲其一幅几案間頗覺傳色祇不  
畫塞上風致爲可恨尔不佞接書時適頗尋已輒復  
罹祝融之祟緝蘆而處者垂半歲中間人世慶吊事  
與病相仍殆無虛日迨秋廼買宅城西而後稍獲晏  
如耳近作歌二章欲以奉酬復值牙痛涉月無後筆



又與獨麟上人

明日廿日矣上人其必蒞也更要一晤末由也已詩  
三首奉贈及一首題畫附上曩者因香禪師乞詩而  
得睹公子畫雖然精妙亦不及此畫最工想必其得  
意筆也不佞妄意欲獲一幅不知上人能方便也否  
上人出門後俗冗連日不能作一字答富春山下之  
人上人其致意風霜正繁伏惟自重不備

獨憺仙臺十二樓之勝禪師與山人雙趺手其際不  
佞乃未免北望悵然乎千里外焉欲談稍暇或托話  
疾溫泉一訪瀟灑之境未知能了此段志願也否紙  
衣之賜謹領厚惠新刻二種附往之非報也怡首座  
一見後不復來臨承讓深慚聞今抱疾洛誨使人惋  
然辰下冷甚千万自玉







